



## Kijan pou Mandè Apèl nan OATH

### K: Kisa yo rele apèl?

**R:** Lè nenpòt nan pati/bò yo vini nan yon odyans OATH epi **pa** satisfè ak desizyon Ajan Odyans la, pati ki pa satisfè a gen dwa depoze yon apèl devan Inite Apèl (Appeals Unit) OATH la pou mande yo rekonsidere dosye a. Lè yon apèl byen depoze y ap voye li nan Inite Apèl OATH la pou detèmine si konstatayon fè ak lwa ki nan desizyon Ajan Odyans la gen apui prèv ki nan rejis la, ak si wi ou non lalwa kore penalite ki enpoze yo.

- Inite Apèl la **pa** pran an konsiderasyon okenn prèv ki pa t prezante devan Ajan Odyans la, sòf si se kèk dosye gouvènman k ap chanje rezilta desizyon an, epi sèlman si pati k ap bay prèv yo bay yon bon rezon ki fè li pa t prezante yo nan odyans la.

### K: Kilè mwen ka mande apèl?

**R:** Si ou vle fè apèl yon desizyon, ou dwe fè sa nan yon delè 30 jou apati de dat desizyon an *si yo te ba ou desizyon ekri a an pèsòn* oubyen nan yon delè 35 jou apati de dat desizyon an *si ou te resevwa desizyon ekri a pa lapòs*.

- Li posib pou aplike pou yon pwolongasyon delè pou mande apèl la. Tanpri pale ak yon reprezantan Sant Èd (Help Center) OATH la pou jwenn plis enfòmasyon sou sa.

### K: Ki kote pou mwen voye apèl la?

**R:** Gen de (2) fason pou voye apèl la: 1) Ou ka voye li pa lapòs nan Inite Apèl OATH la nan 66 John St., 10<sup>th</sup> Floor, New York, NY 10038 (si ou voye li pa lapòs, ou **DWE** voye tou yon kopi apèl la avèk divès kopi prèv ou enkli ladan l yo bay ajans ki te fè sitasyon an); oswa 2) Ou ka depoze yon apèl la sou entènèt avèk fòmilè "Fòmilè Apèl ak Yon Klik" (One-Click Appeals Form) OATH la nan:

<https://www1.nyc.gov/site/oath/hearings/one-click-appeals-form.page>.

### K: Èske gen yon fòmilè presi mwen dwe ranpli pou mande apèl la?

**R:** Pa genyen okenn fòmilè apèl ki *obligatwa* pou w itilize, men OATH gen yon [fòmilè apèl](#) ke ou kapab *chwazi* pou itilize si ou kwè sa t ap ede ou. Ou ka jwenn fòmilè a apati [lyen sa a](#), nan men yon reprezantan Sant Èd OATH la oswa nan Biwo Grefye (Clerk's Office) OATH la.

### K: Èske mwen dwe peye penalite yo te enpoze mwen apre odyans la si m ap fè apèl?

**R: Wi.** Nan pifò ka yo ou dwe bay prèv peman amann, penalite oswa restitasyon ansanm ak apèl ou a. Nan kèk ka, ou gen dwa kalifye pou yo ba ou dispans pou peman an si ou ka montre sa ap ba ou "difikilte finansye" si ou peye penalite a anvan apèl la deside epi sa ap anpeche ou mande apèl la. Pou jwenn yon dispans poutèt "[difikilte finansye](#)" pou peman penalite anvan apèl la, ou dwe bay prèv sityasyon finansye ou, nòmman yon deklarasyon taks, odit, resi asistans piblik, elatriye, epitou eksplikasyon sou kijan peye penalite a kounye a t ap yon difikilte finansye pou ou. Ou dwe mande [dispans poutèt difikilte finansye](#) a anvan, oswa pandan, ou mande apèl la. *Yon demann pou difikilte finansye PA pwolonje tan w ap fè apèl ladan l lan.*

- Li **PA** obligatwa pou peye penalite a anvan apèl la si yo te bay sitasyon an poutèt vyolasyon yon lwa oswa règleman ke Komisyon Taksi ak Limouzin nan (Taxi and Limousine Commission) fè aplike, oswa si desizyon odyans la te endike ou te gen opsyon fè sèvis kominotè olye pou w peye lajan kòm penalite.

**K: Èske yo ka ede mwen mande apèl la?**

**R: Wi.** Tanpri kontakte Sant Èd OATH la an pèsonn nan nenpòt lokal OATH, depi nan lendi rive nan vandredi, apati de 8:00 am-5:00 pm, pa telefòn nan (212) 436-0845, oswa pa imèl nan [manhelpcenter@oath.nyc.gov](mailto:manhelpcenter@oath.nyc.gov), pou yo ede ou mande apèl ou a.

**K: Èske mwen ka jwenn anrejistreman odyo odyans mwen an pou mwen sèvi avèk li nan apèl mwen an?**

**R: Wi.** Tanpri kontakte Sant Èd OATH la pou yo ede ou jwenn anrejistreman odyo odyans ou a.

**Si ou Bezwen Plis Èd, Tanpri Kontakte OATH Help Center An Pèsòn Nan Nenpòt Lokal OATH, depi nan Lendi rive nan Vandredi, Apati de 8am pou 5pm, Pa Telefòn Nan (212) 436-0845, Oswa Pa Imèl Nan [Manhelpcenter@oath.nyc.gov](mailto:Manhelpcenter@oath.nyc.gov).**

**Bronx**  
260 E.161st Street, 6th FL  
Bronx, NY 10451

**Brooklyn**  
9 Bond Street, 7th FL  
Brooklyn, NY 11201

**Manhattan**  
66 John Street, 10th FL  
New York, NY 10038

**Queens**  
31-00 47th Avenue, 3rd FL  
Long Island City, NY 11101

**Staten Island**  
350 St. Marks Place, Main FL  
Staten Island, NY 10301